

ՄԱՅՐ ԱԹՈՌ ՍՈՒՐԲ ԷԶՄԻԱԾՆՈՒՄ ԿԱՏԱՐՎԵՑ ՍՈՒՐԲ ՎԱՐԴԱՆ ԵԿԵՂԵՑՈՒ ԵՎ ՍՈՒՐԲ ՀՈՎՀԱՆՆԵՍ ՄԿՐՏԻՉ ՄԱՏՈԱՆ ՀԻՄՆԱՐԿԵՔԸ

Մայիսի 21-ին Մայր Աթոռ Սուրբ Էջմիածնում, հավարտ Սուրբ Պատարագի, Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի հանդիսապետությամբ կատարվեց Մայր Տաճարի հյուսիսային կողմում կառուցվող նոր մկրտարանի՝ Ս. Վարդան եկեղեցու և Սուրբ Հովհաննես Մկրտիչ մատռան հիմնարկերը: Մայր Աթոռի նոր մատուռ-մկրտարանը կառուցվում է ՀՀ նախկին վարչապետ Արմեն Սարգսյանի և նրա ընտանիքի ազնիվ բարերարությամբ: Շենքը նախագծել է վաստակաշատ ճարտարապետ Զիմ Թորոսյանը:

Հանդիսավոր արարողության ընթացքում օրհնվեցին 16 հիմնաքարեր և դրվեցին մկրտարանի հիմքերում: Մկրտարանի հիմքում գետեղվեց նաև կառույցի հիմնադրման հուշագիրը:

«Այսօր մենք Ձեզ հետ միասին կատարեցինք հիմերի օրհնության արարողությունը Սուրբ Վարդան եկեղեցու և Սուրբ Հովհաննես Մկրտիչ մատռան, որոնք պիտի դառնան Մայրավանքի մկրտության սրբազան կառույցները: Այստեղ պիտի գան հայորդիք՝ վերածնվելու հոգևոր ավազանից մեր Սուրբ Եկեղեցու, պիտի գան՝ դրոշմվելու Սրբալույս Մյուռոնով և դառնալու Քրիստոսի Եկեղեցու և ժողովրդի նախանձախնդիր զավակներ:

Մենք փառք ենք բարձրացնում առ Աստված, որ Տերը այսպիսի հնարավորություններ է ընձեռել հատկապես այս օրերին, երբ 70 տարիների անհավատությունից հետո մեր ժողովուրդը հոգևոր կյանքի վերագարթոնք է ապրում և իր քայլերը ուղղված է պահում դեպի ճանապարհները սրբազան վանքերի, եկեղեցիների ու տաճարների: Մենք փառք և գոհություն ենք առ Աստված բարձրացնում նաև, որ Տերը պարգևում է մեզ բարերար զավակներ, ովքեր իրենց արդար քրտինքի վաստակը բերում են շաղախելու հայոց հողին՝ զորացնելու Առաքելական մեր Սուրբ Եկեղեցին և պայծառացնելու հայորդիների հավատքը»,- ասաց Ամենայն Հայոց Հայրապետը մկրտարանի կառուցման առիթով:

Նորին Սրբությունն իր գնահատանքը հայտնեց նաև Սուրբ Վարդան եկեղեցու և Սուրբ Հովհաննես Մկրտիչ մատռան բարերար Սարգսյան ընտանիքին, որի անդամները ներկա էին հիմնարկերի արարողությանը: Վեհափառ Հայրապետը գնահատանքի խոսք ուղղեց նաև մկրտարանի ճարտարապետ Զիմ Թորոսյանին, ինչպես նաև «Հորիզոն 95» շինարարական կազմակերպությանը:


Նոր մկրտարանի կառուցումը նախատեսվում է ավարտել մեկ տարում:

ՄԱՅՐ ԱԹՈՌ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ



ՄԿՏԱՐԱՆԻ ՆԻՄՆՕՐՆԵՔԻ ԱՐԱՐՈՂՈՒԹՅԱՆ ԸՆԹԱՑՔՈՒՄ

Handwritten text in a circular stamp, likely a library or archival mark, located in the bottom right corner of the page.



Handwritten caption in Cyrillic script, located below the photograph.